



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1857

DXI. Der Kurfürst fordert den Rath zu Salzwedel auf, da er das Schloß Salzwedel wieder an sich gebracht und durch seinen Amtmann Hans von Rochow die Straßen künftig besser werde schützen lassen, dies ...

Nutzungsbedingungen

[urn:nbn:de:hbz:466:1-54909](https://nbn-resolving.org/urn:nbn:de:hbz:466:1-54909)

DXI. Kurfürst Johann fordert den Rath zu Salzwedel auf, da er das Schloß Salzwedel wieder an sich gebracht und durch seinen Amtmann Hans von Rochow die Straßen künftig besser werde schützen lassen, dies den fremden Fuhrleuten bekannt zu machen, am 31. Mai 1490.

Johanns, von gotts gnaden Marggraue zu Brandenburg etc. — Als wir vnser Ampt Soltwedel zu hanthabung vnd schutzung vnser lant vnd lewt vnd funderlich der Straffen, so von alters durch die kaufflewt vnd fhurlewt durch vnser lant von der Sehe, lunenburg vff Soltwedel gein Maidburg vnd widervmb gefharn vnd gezogen sein, wider zu vnns gebracht vnd vnser Rath vnd lieben getrewen hannsen von Rochowe, Ritter, zu Amptmann dieselben zu uerteidigen vnd zu schutze gesetzt haben; von deswegen ist an uch vnser gutlich Begern, wollet den kaufflewt vnd fhurlewt bey uch, so vnser land pawen vnd ire kauffhandel treiben wollen, solchs verkundigen vnd Sagen lassen, das sie one alle weygerung die lantstrassen vff Soltwedel, wie die von alters herkommen vnd gepawt ist, vnd keine andere beywege fharen vnd pawen, dar In wir sie durch den gnanten vnser Amptmann vnd ander nach dem besten vermogen schutzen vnd verteidigen wollen lassen. Wo sich aber ymant solchs zu thun weigern vnd ander vmb beywege vnd strassen fharn wurd, der oder die, wer die weren, mogen irn Ebentewr vmbtreibens halben daruber steen, sich darnach wissen zu richten. Hir In wollet uch gutwillig erzaigen, daran thut ir vnns funderlich gefallen, mit gnade gunstlich zu beschuldigen. Datum Tangermunde, Am Mantag In Heiligenn pingstenn, Anno domini etc. LXXXX.

Aus alter Copie.

DXII. Dieselbe Aufforderung an die Stadt Hamburg, vom 31. Mai 1490.

Johanns, von gotts gnaden Marggraue zu Brandenburg etc. — Als Wir vnser Ampt Soltwedel zu hanthabung vnd schutzung vnser land vnd lewt vnd funderlich der Straffen, so von alters durch die kaufflewt vnd fhurlewt durch vnser lant von der Sehe, lunenburg vff Soltwedel gein Maidburg vnd widervmb gefharn vnd gezogen sein, wider zu vnns gebracht vnd vnser Rath vnd Liebenn getrewenn Hannszenn von Rochow, Ritter, zu Amptmann dieselben zu uerteidigen vnd zu schutzen gesetzt haben; von deswegen ist an uch vnser gutlich Begern, Wollet den kaufflewt vnd fhurlewt bey uch, so vnser land pawen vnd ire kauffhandel treibenn wolln, solchs verkundign vnd Sagen lassen, das sie one alle weygerung die lantstrasse vff Soltwedel, wie die von alters herkommen vnd gepawt ist, vnd keine andere beywege fharenn vnd pawen, dar In wir sie durch den gnantenn vnser Amptman vnd ander nach dem bestenn vermogen schutzn vnd verteidign wollenn lassenn. Wo sich aber ymant solchs zuthun weygrnn vnd ander vmb beywege vnd strassen fharen wurd, der oder die, wer die weren, mognn ire Ebentewre vmbtreibens halbenn daruber steen, sich darnach willzen zu rich-

Hauptst. I. Bb. XIV.